



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XXV. Die Septembris.

urn:nbn:de:hbz:466:1-9625

XXV. DIE SEPTEMBRIS.

P. IOANNES
RODERICIVS.P. FRANCISCVS
SVAREZ.25. Septemb.
Hispanus
Compluti.
1587. ætat.
72. Soc. 32.Paupertas.
Mortific.

Oratio.

Faculatoria.

Mors.

DVos & viginti annos in Ministri officio posuit Compluti, exemplum eius officij egregium. Morem gerebat Rectori; & morem sibi volebat geri, quâ id leges volunt: labores autem imperabat exemplo. Disciplina in illo arcta: vnde seuerus eiusdem exactor esse audebat. Non nisi semel induit nouem vestem, idque P. Prouincialis iussu. Nulla nox illi abibat, è qua non decerperet dimidiam horæ partem quâ se acriter diuerberabat; plura facturus, nisi plurima flagranti Rectores Confessarii; negassent, quibus omnes sui cordis recessus patebat simplicitate constantiâque mirabili. Petenti, vt ordinariis orandi temporibus manè vnâ horam addere liceret, ac vesperti aliam; negatum est: & concessa manè dimidia, vesperti item dimidia. Dono lachrymarum fuit in signis: & piissimo ingenio sciebat omnia quæ fiebant in orandi vsum alimentumque conuertere. Inter alia spiritus apophthegmata, dicebat idètidem; seueram à nobis rationem Deo reddendam de tot prædiis ad virtutem, quibus pronida mater Societas nos assidue instituit, & instrumenta suppeditat. In mortis expectatione, quam vicinam esse iam sentiebat, ponebat aliquot horas quotidie, orans cum lachrymis, & dicens ore læto, se ire ad mortem.

AVdito ad concionem dicente P. Ioanne Ramirio, animum ad Societatem adiecit, in ea hebes primùm ad philosophiam visus, at postea ingenio, doctrinâ, virtute omnium laudibus non impar. Theologiam in Hispania, Romæ, in Lusitania docuit; & in luce optimâ collocauit, magnis elogiis celebratus. P. Ludouicus de Ponte visâ eius in disputando modestiâ, & mansuetudine, Societatem amplexus est. Quot hebdomadis, ternum idque seuerum, ieiunium sibi indixerat: cum tamen aliâs quoque valdè parcè ederet. Ære suo contextum flagrum habebat quo seuum in modum se quotidie verberabat. Horarum in occupationes partitionem *matrem spiritus* appellabat; & aiebat; malle se omnium, quæ scripsisset, quæque sciret, iacturam facere quàm vnicam consueta in Societate orationis horam omittere: cui horæ, ille manè semihoram, & vesperti horam integram addebat. Studebat coram B.V. imagine: coram qua supplex illam, in iis quæ difficilia incidebant, consultricem flexis genibus adhibebat, operæ pretio pretioso. Diebus B.V. festis duas horas ante facrum illius allocutioni dabat; cui se debere aiebat literaturæ suæ omnes opes omnes, felicesque successus. Deiparæ gratiam, & gloriam omnium prædestinatorum gratiâ, & gloriâ fuisse maiorem defendit in Theibus, hortatu P. Martini Gutierrez; & latè postea de eodem argumento scripsit: eâ propter Martino Deiparæ coram

Hispanus
Vlyssipone,
25. Sept.
1617, ætat.
70. Soc. 54.

Modestia.

Mortificat.

Tempu.

Oratio.

B.V.

ram spectabilis gratias amplas agere videri visa est. Horam sacri aiebat esse horam suæ dulcedinis & voluptatis, sine qua necesse sit exarescere spiritum suum Crucifixum permagno amore prosequeretur, è cuius effigie splendidi radij visi sunt vt fama est in Suarij pectus, & caput vibrati erumpere, Suario duobus cubitis tunc in alto à terra pendente. Litem inter Pontificium legatum, & Regios in Lusitania ita composuit, vt Paulus V. Pont. Max. gratias illi per literas idcirco egerit. In morbo plenus desiderio moriendi, illud selectis è psalmis versiculis testabatur; aiebatque plenus gaudio. *Non putabam tam suaue esse, tam dulce mori.* Corpus in capsula cum plumbea lamina sub sacello conditum. Post eius mortem illum coram B. Virgine Angelis cincta flexis genibus, & iunctis manibus supplicem se, vidisse aiebat Hieronymus Silua virtutis spectatissimæ Coadiutor.

P. GODEFRIDVS THELEN.

PER iter à Carbani oppidi hæreticis captus, illusus, percussus, tanquam bellorum & Papisticæ idololatriæ (vt illi loquuntur) seminator, ac tandem glande plumbeâ in pectus explosâ tractus, cecidit in genua, & subactis ad Deum manibus atque oculis; *Domine, inquit, exaudi orationem meam; & non intres in iudicium cum seruo tuo.* Tum in capite, ac reliquo corpore contusus, sauciisque occubuit. In cadauere sex inuenta vulnera ampliora, Cilicium, flagellum, cereum Dei agnum, reliquias (quæ secum per iter ferebat) in ignem abiicere. In loco cædis postea

anno 1625. Carbenis Gubernator sacellum S. Crucis erexit, & omnem cæsi P. Godefridi tragædiam istic depingi curauit. Hanc mortem sic obitam hæc vitæ ratio præcessit. Sacerdotio extremo vitæ anno initiatus, officium diuinum cum otio, & meditatè recitabat. Quotidie coronam Deiparæ tertid euolebat, attentè atque flagranter; & SS. Eucharistiæ Sacramento adorando post prandium quartam horæ partem dabat. Ad eandem percipiendam synaxim etiam noctu se parabat, somni parte decerptâ, & Angelo Custode rogato, vt citius excitaretur; ad hæc, sui verberatione præmissâ. Post diuinum epulum, vni sacrificio religiosè intererat. Si quis eius nominis ignarus de illo quidpiam loqui vellet: *Ille, aiebat, ille Pater qui tam frequenter ac feruenter orare consuevit.* Ludouici de Ponte operibus lectitandis pietatis suæ igniculos fouebat; S. Ursulæ quoque colendæ; ac visendis eius altaribus, vbi id posset, addictus. Cilicium illi perfamiliaire, in scholis etiam, ac in summo æstu. Christi patientis, & Beatissimæ Virg. Marris honori atque amori feriâ sextâ à vino, à cœnâ Sabbato, abstinebat.

LEONARDVS KRANSCHART COAD.

Fuit hic vir obedientiæ, laboris assidui, & patientiæ robustioris laude præclarus. Mortem hoc anno expectabat, eique se parabat, quod diceret se anno hoc incunte per quietem admonitum, seu admoneri visum, vt sibi sepulchri locum in templo deligeret.

Sacrum.

Crucifixum.

Mori.

B.V.

Fidei Mori.

B.V.

Eucharist.

Mortif.

Lectio spirit.

Mortific.

B.V.

Germanus Bambergæ. 25. Sep. 1651.

Mori.

Hispanus Vlyssipone, 25. Sept. 1617. ætat. 70. Soc. 14.

Modestia.

Mortificat.

Tropus.

Oratio.

Germanus ad Rhenū. 25. Septemb. 1650. ætat. 32. Soc. 8.

B.V.